

HSET I CORINHTO

Bàu bòch hmàih

¹ Phaulo, tiaq manoh Boc Plình khoe jah creo broq mangai Tiaq cla da Jesus Christ, pajùm ka Sothen oh daq bèn,

² achìh am ka Tagop Hadròeh da Boc Plình oe ta Corinto, aih òe mangai khoe jah basròeh enh dalam ka Jesus Christ, khoe jah creo mangai hadròeh, sam ka rìm ngai creo dang yiniq Jesus Christ, aih Chuaq da bèn sam da wì aih yac ka wì oe taleq.

³ Waiq ka oh daq jah kan tabòeh dech sam kan catèm enh Boc Plình, Baq bèn, sam Jesus Christ.

Bàu manè apôi

⁴ Au ùh hêq ka manè apôi Boc Plình, majah qmang aih kan tabòeh dech Haq khoe am ka oh daq enh dalam ka Jesus Christ,

⁵ majah qmang aih enh dalam ka Haq oh daq khoe jah padrõng rìm trong, enh bàu capoch trùh kan rabiaq,

⁶ qmang ka bàu nhèn anoe trùh Christ khoe jah cajap taqne oh daq.

⁷ Oh daq ùh i blat qmòe mòeq kan tabòeh leq enh Yiang Hadròeh jò oh daq qnang ngèh gòm Jesus Christ bèn trùh.

⁸ Haq aih ma broq ka oh daq jah cajap manoh trùh lùch trùh gêh, dôq trùh hì Jesus Chirst da bèn oh daq ùh hìaq i qmòe ajang leq ma ep cwò.

⁹ Boc Plình aih ùh tablòq manoh, Haq khoe creo ka oh daq jah taqmùt ti Jesus Christ kon Haq, aih raq Chuaq da bèn.

Thê mòeq manoh ka dabau

¹⁰ Au canòm ka yiniq Jesus Chuaq da bèn, òòeq hu pariaq diq ka oh daq ep pajùm mòeq bàu, apaq lah đac dabau mahaq ep mòeq manoh mòeq cliac ka dabau.

¹¹ Majah qmang aih, enh òòe mangai oe ta hnim Ko-lo-ê, au i hìa bàu doe taqne oh daq i kan tagrinh ka dabau.

¹² Au enh doe taqne oh daq i mangai doe qmang kô: “Au tiaq Phaulo”;
qnah ngai qnoeq doe: “Au tiaq Abo-lo”;
mangai qnoeq doe: “Au tiaq Sepha”,
maqnoeq hòem doe: “Au tiaq Christ”.

¹³ Aleq Christ khoe pah broq baiq qmòh? Ahiaq Phaulo khoe chiùq tiang đình talong pagat am ka oh daq, tàng ùh meh oh daq khoe canòm ka yiniq Phaulo òòeq broq baptem ajoq?

¹⁴ Au manè apôi Boc Plình majah qmang aih enh gùng ka Korit-bu sam Gai-ut, taqne oh daq au qnhòq lah broq baptem am ka cabô,

¹⁵ dòq ùh hiaq i cabô doe oh daq khoe yóc yiniq au òòeq broq baptem.

¹⁶ Joq au i broq baptem ka mangai ta hnim Sephana, enh gùng ka hnim aih au pì hmàng đeh khoe broq batpem am ka cabô hòem.

¹⁷ Majah qmang aih Christ thê au trùh ùh xài òòeq hu broq baptem, mahaq òòeq hu anoe hnài Bàu lem, hadai ùh hnài sam hacùng bàu rabiaq da

kon mangai, dôq kan i cwàng itai long pagat da Jesus Christ ùh hia hnhung đac.

¹⁸ Majah qmang aih, bôe mangai ma hnhung lùch wì doe bàu ma hnài trùh long pagat aih kan ratùt, mahaq da bèn mangai ma khoe jah dèch aih raq cwàng itai da Boc Plình.

¹⁹ Majah qmang aih i bàu khoe achìh:

“Au raliang đac kan rabiaq da mangai rabiaq, Au palùng đac kan loq da mangai loq”.

²⁰ Mangai rabiaq oe taleq? Mangai hnài ranenh taleq? Mangai rabiaq ka hadrah qnhòng kô oe taleq? Ajoq Boc Plình khoe broq kan rabiaq da crống taneh kô loh ka ratùt ùh?

²¹ Majah qmang aih taiq crống taneh kô canòm dèh kan rabiaq cla, ùh canòm kan rabiaq da Boc Plình òe q hu canau ka Boc Plình, dài Haq majah lem bùi dèch bôe mangai i manoh lùì ajang bàu hnài da mangai blùng qmang ka nhèn.

²² Jò mangai Judà bôch toq kan halac, mangai Gorec chaq toq kan rabiaq,

²³ mahaq nhèn anoe toq Christ tiang đình talong pagat, aih kan catoeh ka mangai Judà, mangai diac wì doe aih kan blùng;

²⁴ mahaq da bèn mangai ma khoe jah creo yac ka mangai Judà yac ka mangai Gorec Christ aih kan itai sam kan rabiaq da Boc Plình.

²⁵ Majah qmang aih kan blùng da Boc Plình aih rabiaq yeo hnau kan rabiaq da mangai, kan ùh nèn da Boc Plình aih yeo dèh ka padren mangai.

²⁶ Hèm beq! taqne pì oh daq ma khoe jah creo, tiaq qnhòng kô pì ùh i bàc ngai rabiaq, ùh bàc ngai i cwàng, ùh bàc ngai rahù ranhòm.

²⁷ Mahaq Boc Plinh khoe yõc kan blùng ta crõng taneh òòeq broq ka mangai rabiaq camaih, Boc Plinh yõc kan ùh nèn ta crõng taneh òòeq baxep ka mangai tadêh.

²⁸ Boc Plinh khoe yõc kan ùh cra, kan wì ma jù lê cađac, sam bòe yiniq ùh i hnoq, òòeq broq bòe yiniq xau hnoq loh ka pi i hnoq,

²⁹ òòeq ùh i mangai leq jah padèch rađeh enh nèa Boc Plinh.

³⁰ Qmang aih, canòm ka Haq oh ðaq ma khoe jah oe ta Jesus Christ aih Mangai Boc Plinh ma khoe broq Haq wìa kan rabiaq, kan taq atoq, kan hadròeh sam kan dèch ðiq ka bèn;

³¹ òòeq tiah ka bàu ma khoe achìh: “Cabô catèh rađeh, ep catèh enh dalam ka Chuaq”.

2

Bàu Phaulo hnài

¹ Jò au trùh ti pì, au ùh yõc bàu haqnhèq bàu rabiaq òòeq hu hnài oh ðaq, òòeq oh ðaq jah loq trong da Boc Plinh ma khoe ðì.

² Majah qmang aih, au khoe qnac òòeq dèh ta manoh: oe taqne oh ðaq, au ùh qnì cleq loe enh gùng ka Jesus Christ, èh Jesus Christ khoe tiang ðình talong pagat.

³ Jò oe taqne oh ðaq, au joq pi nac canèn, yùq crè rai tarìt.

⁴ Enh bàu ta hatuàng trùh bàu hnài da au ùh xài loh enh kan rabiaq ka padô, mahaq loh enh kan mahno da Yiang Hadròeh sam cwìang itai;

⁵ òòeq oh ðaq ùh hìaq òòeq dèh manoh lùì ajang kan rabiaq kon mangai, mahaq ajang kan itai da Boc Plinh.

Kan rabiaq enh Plinh

⁶ Hnoq anoe qmang aih, nhèn hnài kan rabiaq am ka òe mangai khoe gêh mangai, mahaq ùh xài enh kan rabiaq ta qnhòng kô, ùh xài kan rabiaq enh mangai wèq qnhòng kô, aih òe mangai padon raliang hnhung.

⁷ Nhèn hnài kan rabiaq da Boc Plinh, aih raq kan hlèp ma khoe cadöc enh òe qnhòng adroe, Boc Plinh ma khoe palauq òe am da kan ranhòm bèn.

⁸ Mangai ma wèq cwàng ta qnhòng kô ùh i moèq ngai leq ma loq trong aih, majah qmang aih tàng joq wì loq wì khoe ùh tiang đình Chuaq ranhòm talong pagat.

⁹ Mahaq i bàu achìh rameh:

“Aih òe yiniq mat qnhòq hnoq, don qnhòq tàng,

Manoh mangai hadai qnhòq hèm trùh.

Mahaq Boc Plinh khoe padon qmòe òe yiniq aih, òe am dèh ka mangai

loq waq ka Haq”.

¹⁰ Boc Plinh khoe canòm ka Yiang Hadròeh òe mahno ka bèn òe yiniq aih, majah qmang aih Yiang Hadròeh sreo loq đồng rìm yiniq, loq sam òe kan hlèp ta manoh Boc Plinh.

¹¹ Majah qmang aih, tàng joq ùh xài yiang oe ta cliac manoh mangai, aih cabô ma loq ta manoh cliac mangai qmang leq? Hanoh qmang aih, ùh i cabô loq ka manoh Boc Plinh enh gùng ka Yiang Hadròeh da Boc Plinh.

¹² Yiang bèn ma khoe jah manòeq kô ùh xài loh enh crống taneh, mahaq bèn khoe jah yöc enh

Yiang Hadròeh da Boc Plnh, ðòeq bèn loq canau ka òe kan tabòeh bèn ma jah enh Boc Plnh;

¹³ anoe trùh kan tabòeh aih, nhèn ùh yǒc kan rabiaq kon mangai ðòeq hu hnài trong aih, mahaq canòm kan rabiaq enh Yiang Hadròeh, yǒc bàu yiang anoe hnài trong yiang.

¹⁴ Mangai ùh i ka Yiang Hadròeh ùh lùì òe yiniq trùh enh Yiang Hadròeh, majah qmang aih haq aih hnoq trong aih budàng kan ranhua, ùh hlàt loq majah qmang aih ep hadro ngan tiaq trong yiang.

¹⁵ Mahaq mangai i yiang aih haq hadro ngan rìm yiniq, cla haq hadai ùh hiaq ep dèn ka cabô hadrah ka raðeh.

¹⁶ Majah qmang aih, mangai leq ma khoe loq ta manoh Boc Plnh, ðòeq hu hnài Haq? Mahaq da bèn aih i manoh da Christ.

3

Tagop hadròeh sam mangai qnong ngoe

¹ Qmang aih, oh daq cadrì sam oh daq calô, au enh capoch tuàng ka pì qmang ka mangai rìh tiaq Yiang Hadròeh mahaq ùh jah, mahaq qmang ka mangai oe raq xech akia, tìah ka kon hìn enh dalam ka Christ.

² Au yǒc diac tōh qmì oh daq, ùh qmì sam dahwèq cadoq, majah qmang aih oh daq ùh hlàt acaq, trùh manòeq dua qnhòq hlàt, majah qmang aih oh daq oe raq qnhòq waq.

³ Joq, enh dalam pì oh daq oe raq i kan tagit, talech aih ma ùh joq oh daq oe raq ta xech akia rìh tìah ka mangai crǒng taneh kô qmòh?

⁴ I qnah ngai doe: “Au tiaq Phaulo, qnah ngai doe: Au tiaq Abolo, qmang aih pì i crài cleq ka mangai qnoeq qmòh?

⁵ Abolo aih cabô? Èh Phaulo aih cabô? Aih bòe mangai hapõng, enh wa aih oh daq khoe jah lùì, wa mangai broq dèh hra trong Chuaq khoe thê.

⁶ Au khoe pìt, Abolo khoe pùc mahaq Boc Plình ma broq ka yòng kàn.

⁷ Qmang aih, mangai pìt mangai pùc dìq ùh loh cleq, mahaq Boc Plình ma broq ka yòng kàn.

⁸ Mangai pìt sam mangai pùc dìq daq adàng ka dabau, mangai jah dèh hra kan baha mac deh wa ma khoe broq pang leq.

Christ aih rangàu da TagopHadroèh

⁹ Nhèn kô hanoh mòeq bua wiang patìh ka Boc Plình, oh daq aih rùang da Boc Plình abèq, hnim da Boc Plình broq.

¹⁰ Tiaq kan tabòeh Boc Plình am, au khoe tàc xàn hnim qmang ka mangai thòq rabiaq, i mangai qnoeq trùh broq enh qnhèq ka aih, mahaq mangai leq mangai meh ep rabiaq ñeh hra yiniq leq wì ma broq enh qnhèq ka xàn aih.

¹¹ Majah qmang aih, ùh i cabô jah broq ònh xàn qnoeq enh gùng ka xàn ma khoe tàc: aih Jesus Christ.

¹² Tàng i cabô yõc wang, bac, hmo ngốc, long, nhat croh, hri croh ñoèq broq enh qnhèq ka xan aih.

¹³ Yiniq broq da tang ngai thòq dìq jah paqnoh hnoq ñong. Majah qmang aih hi trùh Hì bòe yiniq broq aih hi jah qnoh ñong taqngah, haq jah

paqnoh ta ùnh, ùnh èh ma qnhro ngan yiniq broq da tang ngai.

¹⁴ Tàng yiniq broq da cabô khoe broq enh qnhèq ka xàn aih ùnh ùh hìaq cheo, aih èh haq hì jah dèh kan baha.

¹⁵ Tàng yiniq wì haq khoe broq ùnh cheo dǝng, aih pi jah baha cleq. Cla haq aih èh jah dèch, mahaq tiaq ka bu clech ka ùnh.

¹⁶ Oh daq ma ùh qnì raḏeh raq hnim kùh waiq Boc Plình, Yiang Hadròeh da Boc Plình oe enh dalam ka oh daq qmòh?

¹⁷ Tàng i cabô raliang ḏac hnim kùh waiq da Boc Plình, aih èh Boc Plình raliang ḏac mangai aih. Majah qmang aih, hnim kùh waiq da BocPlình aih hadròeh, oh daq raq hnim kùh waiq.

¹⁸ Ngan oq, apaq qnùt dèh raḏeh: Taqne oh daq tàng loq i mangai leq xoh ḏeh rabiaq top dua qnhòng kô, thê drah wìa mangai ùh qnì ḏòeq hu jah rabiaq.

¹⁹ majah qmang aih rabiaq tiaq top dua qnhòng kô, enh ngèa Boc Plình aih kan blùng. Qmang ka bàu khoe achìh: “Chuaq rùp mangai rabiaq ta kan rabiaq cla wì”.

²⁰ Èh hòm: “Chuaq loq ka manoh mangai rabiaq, Haq loq trong wì hém aih òìq ùh loh cleq”.

²¹ Qmang aih, pi dùh catèh cabô broq mangai qnong ngoe pì hòm! Rìm yiniq oe òìq ta oh daq.

²² Yac ka Phaulo, yac ka Abolo, yac ka Sepha yac ka crǝng taneh kô, yac ka kan cachìt, yac ka yiniq manòeq kô, yac ka ḃòe yiniq tabla kô èh; aih òìq da oh daq,

23 oh daq aih da Christ, Christ aih da Boc Plình.

4

Hapõng joq qnàng da Christ

¹ Dìq dõng ka oh daq, thê pì ngan nhèn qmang ka hapõng da Chirst, mangai wèq kan hlèp da Boc Plình.

² Manòeq kô, wì ma ngèh mangai wèq kan hlèp aih ep ùh hìaq loq gôpla.

³ Cla au manòeq kô yac ka oh daq tah hadrah ka au, yac ka hnim hadrah da kon manai hadrah au, dua au ùh lèt cleq, cla au hadai ùh hadrah rađeh.

⁴ Majah qmang aih au ùh i hnoq rađeh i yiniq lui cleq, mahaq au ùh canòm ajang aih đòeq hu jah taq atõq: Chuaq aih Mangai ma hadrah au.

⁵ Qmang aih, yac ka i yiniq cleq apaq rênh hadrah hrình thê gòm Chuaq trùh, Haq jah paqnoh taqngah yiniq wì ma cadoc ta clam, mahnu trong wì ma qnac ta manoh, jò aih èh cleq ma troq ka manè, tang ngai hi jah dèh hra enh Boc Plình.

⁶ Dìq ka oh daq cadrì oh daq calô, manòe au majah anoe trùh cla au sam Abolo aih taiq oh daq, waq ka oh daq ngan dua ma: “Apaq cadiang loe ka bàu khoe achìh”, èh apaq i manoh loq cateh, tiaq mangai kô hu tajraq ka mangai qnoeq.

⁷ Majah qmang aih, cabô ma khoe lah ìh yeo crài ka mangai qnoeq. I yiniq cleq ìh ma qnhòq jah yõc deh qmòh? Tàng joq ìh khoe jah yõc dõng deh, meh ìh oe raq cateh tìah ka rađeh qnhòq hmaq jah qmòe cleq?

⁸ Oh daq khoe tàu rìm yiniq, khoe jah panàc, padrǝng, ùh i canòm ka nhèn, oh daq khoe wìa tiah ka bùa, joq ngèh ka oh daq jah wìa bùa dōq nhèn hadai jah wìa bùa ti oh daq!

⁹ Majah qmang aih au hèm Boc Plinh khoe yǝc qnoh ma broq mangai Tiaq cla atiq dǝng ka mangai qnoeq, tiah ka mangai i tuiq wì rùp clēh gòm toq hì cachit, tiah kan racaih ka crǝng taneh kō, ðòeq ka ðinh plinh sam kon mangai wiang ngan hnoq.

¹⁰ Nhèn blùng dèh ka Christ, mahaq oh daq jah rabiaq enh dalam ka Christ, nhèn ùh nèn oh daq jah tadèh, oh daq wìa gucraq nhèn loh ka hamoq.

¹¹ Trùh manòeq nhèn oe raq pangot hrah croh ranǝng, hyah hyai, wì tep da nhèn tabǝc, gàu nhèn ùh i mòeq toq kùa po ðòeq ha nhàng.

¹² Nhèn yǝc deh tì kǝng hu patih abroq, jò wì ra òh hamaiq ka nhèn, nhèn caxoeq sōq ramot ka wì, jò wì ti rùp nhèn chiùq àt,

¹³ jò wì tapcoch dech ka nhèn, nhèn tèu lem laq alàng, trùh manòeq nhèn tiah taiq ka kan padùih tiah taiq ka cràc ta crǝng taneh.

Bàu pariaq

¹⁴ Au achìh qmang kō ùh xài waq ka oh daq camaih mahaq ðòeq pariaq oh daq qmang ka kon cla au ma ha-och dèh.

¹⁵ Majah qmang aih, yac ka enh dalam ka Christ oh daq i mòeq jàt mùan mangai hnài, mahaq oh daq ùh i bàc ngai baq, majah qmang aih au khoe yǝc Bàu lem ðòeq hauang oh daq ta dalam ka Jesus Christ.

¹⁶ Au yǒc yiniq aih pariaq oh daq: Drah top dua au”.

¹⁷ Aih iq, au majah khoe thê Timothe, haq aih mangai au loq waq deh, mangai kon ðiq ka manoh ti au ta Chuaq, trùh ti oh daq, ðòeq bahmàng hlài ka oh daq loq trong da au enh dalam ka Christ, hloe sam bàu au khoe hnài qmang leq roc Tagop Hadròeh oe jàp jìa.

¹⁸ I bòe mangai enh dèch ka hnhè raðeh, hèm dèh au loq pì trùh ta oh daq hòh.

¹⁹ Mahaq tàng lem ka manoh Chuaq, au rênh trùh ti oh daq, ðòeq ngan waq ka loq, ùh xài ngan toq bàu capoch bòe mangai loq ka hnhè aih, mahaq ðòeq ngan padren wì haq dàng leq cadèh.

²⁰ Majah qmang aih, diac Boc Plình ùh xài toq ajang bàu capoch mahaq oe ajang paren.

²¹ Oh daq enh maleq? Enh au wê long dùì trùh ti oh daq loq au qnàng kan loq waq sam manoh lem hu trùh ti pì?

5

Kan qmèq ta Corinto

¹ Au i hìa bàu anoe jàp jìa, wì doe taqne oh daq i kan tango anang, tango qmang aih yac ka wì mangai enh gùng jì ùh lòh: Aih taqne oh daq i ngai tango ka cadri dèh baq.

² Aih cadoe oh daq oe ka hnhè raðeh! Oh daq ùh i ha-on mangò, dòq jah hnan qnoh ðac mangai tango aih loh ma khoe ka oh daq!

³ Au kô, yac cadoe chac au hangai mahaq oe ti yiang au oe ti pì. Au khoe dèch taqmòq tuiq ka mangai broq qmang aih tìah ka au hadai oe ti pì,

⁴ qmang aih jò pì tagop ti dabau enh dalam ka yiniq Jesus Chuaq bèn, yiang au pajùm ti pì, cwiang itai Jesus Chuaq bèn oe ta aih

⁵ canòm ka cwiang aih, bèn jao mangai kô ka Satan raliang đac chac haq, dōq trùh hì da Chuaq mahua yiang mangai kô jah dèch.

⁶ Oh daq ka hnhè rađeh ùh i lem cleq! Oh daq ma ùh loq toq crah blo broq bình ka cađap dác rêu dōng qmòh?

⁷ Drah broq ka rađeh hreo ka blo dùnh beq, đoeq oh daq jah tìah ka dác neo ùh hìaq tah blo qmang ka oh daq aih benh ùh i blo. Majah qmang aih, Christ aih kon trùu ramènñ Pancwa da bèn, wì khoe jêh.

⁸ Qmang aih bèn wèq ramènñ, apaq wê blo dùnh, blo ngang dù mahaq sam bènñ ùh tah blo, bènñ da trong lem jang sam trong joq qnàng.

⁹ Ta jàiq yàng adroe au achìh ka oh daq i tanap apaq taqmùt ka mangai loq tango,

¹⁰ aih ùh xài au anoe pajùm hloe sam angai loq tango anang, mangai daiq plai, mangai loq lùac sam mangai kùh waiq kiác qmù ta qnhòng kô. Tàng joq qmang aih ajoq oh daq ep cađac crōng taneh kô.

¹¹ Mahaq au achìh đoeq doe ka oh daq apaq broq bua ti mangai doe hadai bèn, mahaq tango, daiq plai, kùh waiq kiác qmù, xoc hanip, bù bia, loq lùac đac mangai qnoeq, ùh acaq pajùm ti mangai qmang aih.

¹² Mangai enh gùng aih ep cleq ka au ti hadrah? Ma ùh joq oh daq ep hadrah mangai enh dalam qmòh?

¹³ Mangai enh gùng i Boc Plình hadrah wì haq. Drah qnoh đac mangai dù loh khoe ka oh daq.

6

Tah hadrah ka da bau

¹ Jò oh daq loh yiniq ti dabau, gleq majah hùà qnoh ka mangai ùh taq atoq hadrah, ma ùh òòeq ka mangai hadròeh hadrah.

² Oh daq ma ùh loq bòe mangai hadròeh kô èh ma hu hadrah òìq cròng taneh qmòh?

³ Oh daq ma ùh qnì bèn kô èh hadrah bòe bình plình qmòh? Loq ka bòe yiniq qnhòng kô.

⁴ Qmang aih, jò oh daq loh bàu ka dabau tiaq bòe yiniq ta qnhòng kô, hagleq majah yòc bòe mangai rìh ùh loh qmòe cleq enh ngèa Tagop Hadròeh broq mangai hadrah!

⁵ Au doe qmang aih doq oh daq camaih. Enh dalam ka oh daq ma ùh i ka mangai yeo rabiaq òòeq hadrah taqne oh daq bèn qmòh?

⁶ Mahaq jò oh daq loh yiniq, cadoe qnoh enh ngèa ka mangai ùh lùì!

⁷ Joq qmang aih, oh daq tah hadrah ka dabau aih khoe pi blêq. Hagleq ma ùh waq àt, aih xài yeo lem? Hagleq ùh waq da haq dôq wì hnen rađeh aih xài yì hnau!

⁸ Mahaq cla oh daq raq broq ùh troq trong, ti habo đac ka wì, khoe aih tah hadrah glòq ka oh daq.

⁹ Oh daq ma ùh qnì bòe mangai ùh taq atoq i ka jò leq jah diac Boc Plình?

10 Cla apaq qnùt radeh: Mangai loq rùp tango, kùh waiq dua qmù, mangai taqnong ka wì, mangai gualô waq ka hadai gualô, mangai gucadri waq hadai gucadri, mangai atùng, mangai daiq plai, mangai bù bia, mangai toq hanip, mangai loq ta atam, diq dõng ùh maleq jah diac Boc Plình.

11 Nèh haq, taqne oh daq hadai i qnah ngai rìh qmang aih, mahaq canòm ka yiniq Jesus sam Yiang Hadroèh da Boc Plình bèn, oh daq khoe jah qnheo hreo, jah hadròeh, khoe jah creo mangai taq atoq.

Pariaq wia ka hangai kan ùh lem

12 Pì doe “Rìm yiniq au diq jah broq”, mahaq ùh xài rìm yiniq diq i lòeq; “Au jah broq diq rìm yiniq”, mahaq au ùh dôq yiniq cleq jah panan au.

13 Dahwèq acaq òeq ka cliac, cliac òeq ka dahwèq acaq, mahaq èh Boc Plình raliang òeq diq baiq. Mahaq chac hamac ùh xài palauq òeq ka tango anang, mahaq òeq ka Chuaq, èh Chuaq òeq ka chac hamac.

14 Boc Plình khoe broq ka Chuaq rìh hlài, èh Haq yòc deh cwàng aih raq òeq broq ka bèn hadai rìh hlài.

15 Oh daq ma ùh qnì chac hamac bèn aih xài jènh tì da Chirst qmòh? Qmang aih bèn akhòh yòc jènh tì da Christ òeq taqmùt broq mòeq ti mangai broq òeq? Ùh jò leq!

16 Oh daq ma ùh qnì cabô taqmùt ti mangai broq òeq, aih khoe wia mòeq xech ti haq? Majah qmang aih khoe i bàu doe rameh: “Wa jah wia mòeq xech akia”.

¹⁷ Mangai leq taqmùt pajùm ti Chuaq aih èh haq jah wiaq moeq manoh yiang ti Haq.

¹⁸ Drah wia ka trong tango anang, yac ka wì broq yiniq lui cleq, aih òiq enh gùng ka chac hamac cla, mahaq cabô caqnìh rađeh ta kan tango anang aih i tuiq ka chac cla.

¹⁹ Oh ðaq ma ùh qnì deh ka chac hamac aih raq hnìmh kùh waiq da Yiang Hadròeh, Yiang qnang oe enh ðalam ka oh ðaq, Yiang oh ðaq ma khoe jah enh Boc Plình? Chac oh ðaq pi oe xài ða cla hòmh?

²⁰ Oh ðaq khoe jah baxon yóc hlài òiq jaq canaq. Qmang aih, yóc chac hamac oh ðaq ðòeq ðèch kan ranhòm ka Boc Plình beq.

7

Trong yóc ổng mai qnhòng kô

¹ Anoe trùh bòe yiniq oh ðaq khoe achìh jàiq bòch au, au hèm gualô ùh yóc mai aih yeo lem.

² Mahaq waq ka jah wia ka rìmh trong tango anang, mangai gualô ep yoc mai, mangai cadri ep yoc ong.

³ Gualô ep gèh yiniq ong mai deh ka cadri, cadri haq hadai qmang aih.

⁴ Mangai mai ùh i ka cwàng cleq ta chac cla rađeh, mahaq ðòeq ðèh ka ong. Hadai qmang aih, mangai broq ong hanoh ùh i ka cwàng cleq ta chac cla rađeh mahaq ðòq ðèh ka mai.

⁵ Apa q blah yoc ða ðabau cwàng aih, enh gùng ka jò cla wa baiq ngai khoe mòeq manoh ti ðabau oe ðò hòeq, ðòeq hu waiq khàn, khoe aih drah

tawih hlài ti dabau, yùq èh Satan loq padô qnùt jò oh daq wèq raðeh ùh jah.

⁶ Au caqnaih qmang aih, ùh xai au thê broq.

⁷ Au ma enh aih rìm ngai jah tiah qmang ka au, mahaq Boc Plinh khoe am dèh hra tang ngai, mangai kô qmang kô, mangai tai qmang tau.

⁸ Qmang aih, au anoe ka mangai qnhòq yoc ong mai sam mangai hadrô: aih yeo lem ka pì tàng jah oe qmang ka au.

⁹ Mahaq tàng wèq raðeh ùh jah, pì khòh yoc ong mai beq, aih ùh hnau ka òeq kan enh tachac bùh pì qmang ka ùnh.

Ong mai rih ti dabau

¹⁰ Anoe truh mangai koe yoc ong mai, aih au, mahaq uh xài au, ma joq aih Chuaq, thê mai ùh jah caðac ong,

¹¹ (mahaq tàng khoe caðac, haq khòh oe qmang aih raq, apaq yoc ònh ong qnoeq, ùh meh ep hatroq hlài dè h ti ong) yac ka ong hadai ùh khòh caðac deh mai.

¹² Mangai ma qnoeq hòh, uh xài Chuaq, mahaq au ma doe: Tàng cabô leq i mai ùh pajùm manoh lùt tìoh daq, mahaq chiùq rih pajùm trùh lùch ka qnhòng ti raðeh, aih ùh jah caðac.

¹³ Gucadri hadai qmang aih, i ong ùh pajùm mòeq manoh lùt ti raðeh mahaq chiùq rih pajùm lùch ka qnhòng ti raðeh, aih èh mai hadai ùh jah caðac ong.

¹⁴ Majahq qmang aih, ong ùh lùt Chuaq mahaq haq jah hadròeh hatiaq dèh mai, mai ùh lùt Chuaq mahaq haq jah hadròeh hatiaq deh ong, ùh

qmang aih dèh, boè kon oh daq nèh ùh i hadrèh, yàng manòeq dìq khoe hadrèh.

¹⁵ Tàng mangai ùh lùì enh ta cađac, aih hi dōq haq cađac: Jò aih yac ka oh daq calô, oh daq cadri ùh ep tawac cleq. Boc Plình khoe creo ka oh daq rìh ka catèm.

¹⁶ Mangai broq mai, ìh maloq broq braiq ìh jah dèch deh ong? Mangai broq ong, ìh maloq broq braiq ìh jah dèch deh mai?

¹⁷ Hnoq anoe qmang aih, rìm ngai dìq ep rìh qmang ka Chuaq khoe am kac dađeh, tiaq qmang ka Boc Plình khoe creo. Aih bàu au ma khoe hnai dìq dong rìm Tagop Hadrèh.

¹⁸ I mangai leq khoe broq ranenh kat akia, atiq ka aih jah Chuaq creo? wèq deh qmang aih raq. I ka mangai leq qnhòq broq ranenh kat akia mahaq jah creo? Ùh dùh broq ranenh kat akia.

¹⁹ Kat akia ùh i hagleq, yac ka ùh kat akia hadai ùh i hagleq, trong ma khòh nhet aih wèq ranenh da Boc Plình thê.

²⁰ Mangai leq jò majah creo nèh haq oe caloeh leq, ep oe dèh caloeh aih raq.

²¹ Ìh jah creo jò ìh qnang broq hapong ùh xài? Apa q lèt dèh, mahaq tàng i dua jah claih ka broq đic, aih apaq batrò.

²² Majah qmang aih, mangai qnang broq hapong jah Chuaq creo, aih Chuaq khoe caqnaih haq, hadai qmang aih dìq, mangai qnang oe ùh i tawac cleq mahaq jah creo, aih haq ep broq hapong da Christ.

²³ Oh daq khoe jah rot hlài dìq jah canaq, apaq broq hapong cabô hòm.

²⁴ Jò jah creo oh daq oe caloeh leq, oh daq ep oe qmang aih raq enh ngèa Boc Plinh.

Ừh yoc ong mai

²⁵ Anoe trùh mangai ừh yoc ong yoc mai, au ừh i jah bàu leq enh Chuaq thê; mahaq canòm ka kan loq waq enh Haq, au khoe wia mangai ừh ngwan ka lùì, dài au majah i bàu hnài.

²⁶ Taiq kan nansa padon trùh, au hèm mangai gualô oe deh qmang aih raq ma yeo troq.

²⁷ Ừh khoe yoc mai ajoq? Apa q ti chaq trong hu cađac, ừh qnhq yoc mai ajoq? Apa q chaq mai.

²⁸ Mahaq tàng ih yoc mai, ừh i troq cleq, tàng mangai gucadrì sriu yoc ong hadai uh troq cleq. Mahaq manai yoc ong mai i kan salep ta chac, au enh oh daq claih trong aih.

²⁹ Au enh anoe ka oh daq qmang kô, bèn oe crong taneh ừh dùnh. Pang kô ta èh magai i mai khòh ka mangai ừh i ka mai;

³⁰ mangai qnang hmoe khòh tìah mangai ừh hmoe, mangai qnang bùì, khòh tìah ka magai ừh bùì, mangai qnang rot khòh qmang ka mangai ừh rot jah cleq;

³¹ managai i kùng hang ta crong taneh khòh qmang ka mangai ừh i cleq, majah qmanga aih crong taneh bèn ma hnoq kô èh hi hnhung.

³² Au enh dìq ka oh daq ừh bakènh tawac qmòe cleq. Mangai leq ừh yoc mai aih haq jah patìh toq ka Chuaq, chaq trong broq lem manoh Chuaq.

³³ Mangai leq khoe yoc mai aih èh haq patìh ka yiniq broq ta qnhòng kô, chaq trong broq lem manoh deh mai.

³⁴ Mangai gucadrì i ong sam mangai sriu hadai crài ka dabau: Mangai ùh yoc ong, aih haq jah patìh toq ka Chuaq, mahaq da mangai ma i ong aih haq patìh toq boè yiniq broq ta qnhòng kô, waq ka lem manoh deh ong.

³⁵ Au anoe qmang aih đòeq i lòeq ka oh daq, ùh xài au khech tât pì, mahaq đòeq yong oh daq tiaq trong matroq dōq oh daq ùh hiaq rangòt ta manoh jò patìh ka Chuaq.

³⁶ Tàng joq i mangai leq hèm deh kô ùh troq, khoe dōq ka mangai òq bàu yoc dabau ep gòm rađeh loh qmòe ka craq hadrang, manòeq ko haq enh yoc deh mangai aih, aih dōq wa yoc dabau, qmang aih troq. Haq ùh i ka tuiq cleq.

³⁷ Mahaq tàng mangai aih khoe qnac ta manoh blinh ùh yoc mai majah qmang aih haq blêq dèh chac, qnah hòm haq hèm brì ùh yoc mangai đeh ma khoe têu bàu, haq aih broq troq.

³⁸ Mangai yoc gucadrì aih broq troq mahaq mangai ma ùh yoc gucadrì aih broq yeo troq hòm.

³⁹ Ong oe rìh pang leq, cadrì haq ep tiaq dèh ong pang aih, tàng ong cachìt, cadrì haq pì tawac cleq, waq toq hatroq ka manoh Chuaq, haq enh yoc cabô ùh loe.

⁴⁰ Mahaq, tiaq manoh da au, tàng majah haq oe qmang aih raq yeo hlàu. Au loq jò au anoe qmang kô i Yiang Hadròeh da Boc Plình ta au.

8

Tadreo kan kiac

¹ Ta anoe trùh dahwèq tadreo kan kiac, bèn doe đeh kô dìq mangai loq. Mahaq kan loq broq ka

mangai loq ka hnhè rađeh, yàng da kan loq waq aih ma broq dua lem.

² Tàng i cabô doe đeh kô mangai loq, joq qnàng mangai aih qnhòq loq qmang ka rađeh khòh loq.

³ Mahaq tàng i mangai leq loq waq ka Boc Plình, Boc Plình loq ka mangai aih.

⁴ Qmang aih, anoe trùh trong acaq dahwèq khoe tadreo ka kiac qmù, bèn loq kiac qmù ta crong taneh kô aih dech do, i toq Boc Plình raq, enh gùng ka aih ùh i kiac leq hòh.

⁵ Joq wì doe i bàc kiac, qnah oe ta troc qnah oe ta haqneq (aih dài wì majah tadreo bàc kiac),

⁶ da bèn ma loq, i mòeq Boc Plình raq, aih Baq bèn, rìm yiniq loh òiq enh Haq, bèn òiq rìh enh Haq, èh hòh i mòeq Chuaq raq, aih Jesus Christ, rìm yiniq loh òiq enh Haq, bèn òiq rìh enh Haq.

⁷ Mahaq ùh xài rìm ngai òiq loq qmang aih. I qnah ngai oe raq hèm i kan kiac, dài jò wì acaq dahwèq tadreo; kan ùh dràng aih broq ka manoh wì haq loh ka pi hadròeh.

⁸ Mahaq ùh xài dahwèq acaq broq bèn jah lem ka manoh Boc Plình, tàng bèn acaq dua ùh jah cleq, ùh dua ùh hnhung cleq.

⁹ Rabiaq haq, apaq òôq kan ùh tawac da bèn broq ka mangai ùh dràng catoeh ataq.

¹⁰ Majah qmang aih, mangai ma ùh dràng hnoq oh daq mangai ma i kan loq haqngui cacaq ta hnim tadreo kan kiac, aih wì ùh top dua acaq đeh òiq qmòh?

¹¹ Aih ajoq ih yoc dèh kan loq, broq raliang đac mangai ùh dràng, aih bòe oh daq Jesus Christ ma khoe cachit am ka wì.

¹² Jò pì broq yiniq luiq dèh ka oh daq qmang aih, manoh wì haq khoe ùh nèn loh ka habau tam, aih pì khoe broq yiniq lui ka Christ.

¹³ Dài haq, tàng joq dahwèq acaq broq ka oh daq au tacro, blinh au ùh acaq jam, òòeq au ùh hìaq wìa nen ka oh daq catoeh.

9

Cwìang da Phaulo

¹ Au ma ùh i cwìang cleq qmoh? Au ma ùh xài mangai Tiaq cla? Au ma qnhòq hmaq hnoq Jesus Chuaq bèn ùh xài? Oh daq ma ùh xai yiniq broq da au enh dalam ka Chuaq qmòh?

² Patiah đac haq, tàng joq au ùh broq mangai Tiaq cla am ka mangai qnoeq, dua au broq mangai Tiaq cla ka oh daq, majaq qmang aih oh daq raq teo abroq da au enh dalam ka Chuaq.

³ Aih bàu au capoch cwaih rađeh enh ngèa mangai enh tah hadrah ka au.

⁴ Nhèn ma ùh i cwìang acaq ôq?

⁵ Nhèn ma ùh khòh qnong mòeq ngai gucadri broq mai hu lam ti nhèn qmang ka bòe mangai Tiaq cla qnoeq, qmang ka oh daq ta Chuaq, qmang ka Sepha khoe broq loq ùh xài?

⁶ Ahìaq toq au sam Banaba raq ma ep abroq hu jah acaq?

⁷ Alah i cabô acaq pua enh hnim cla hu lam tajêh? Alah i cabô pìt wùan nho mahaq ùh jah acaq plì. Alah i cabô ban trìu mahaq ùh yoc diac tôh haq hu ban rađeh.

⁸ Au anoe qmang aih, ma xài qmang ka wì ma loq capoch yôt? Hset Ranenh ma uh anoe qmang aih?

⁹ Majah qmang aih ta Ranenh Moise i achih: “Ìh apaq srôp mong bo qnang len qmau”. Boc Plinh lèt ka bo ùh xài?

¹⁰ Haq anoe bàu aih ka bèn loq ùh xài? Joq! Qmang ka ma khoe achih ka bèn rameh:

“Mangai cai ta rùang ep jah tangèh men cai, mangai len qmau, ngèh ka jah ðeh diq men len”.

¹¹ Tàng nhèn khoe rai ka oh daq adrech trong mahua yiang, nhèn gat hlài dahwèq enh pì, aih i cleq ma ùh troq?

¹² Mangai qnoeq khòh broq qmang aih enh qnhèq ka oh daq, loq ka nhèn? Hnoq anoe qmang aih, nhèn ùh yoc cwìang kô, xan cla nhèn raq chiuq xalep rìm trong, ðòeq uh hìaq i cleq khech tât Bàu lem da Christ.

¹³ Oh daq ma ùh qnì, cabô patìh ta hnìim kùh waiq, aih haq acaq ra mènìh wì ma dèch ta hnìim kùh waiq qmòh? Cabô patìh ajang prang tadreo, aih ajoq haq wiang jah axong enh aih qmòh?

¹⁴ Hadai qmang aih, Chuaq i doe: “Mangai leq hnài Bàu lem, aih haq jah ban raðeh sam Bàu lem”.

¹⁵ Mahaq au qnhòh lah yoc cwìang aih hu thê oh daq, au achih jàiq kô ùh xài ðòeq bòch cwìang aih, kô raq nen au jah catèh deh, au chiuq cahit kan au ùh ðòeq ka cabô blah yoc da au.

¹⁶ Majah qmang aih, jò au lam anoe Bàu lem, au ùh i ka nen jang leq ðòeq hu catèh. Aih raq yiniq

au au ep broq, ùh anoe Bàu lem aih majoq kan habo ka au.

¹⁷ Tàng joq au lem bùi broq yiniq aih, au jah waq baha, tàng joq au uh enh broq, aih dua khoe the au.

¹⁸ Aih èh au jah baha au cleq? Qmang kô! Au ùh yoc cwàng au ma khoe i qmang ka mangai anoe Bàu lem qnoeq, mahaq jò au anoe Bàu lem, au anoe qmòe dech ùh yoc baha.

¹⁹ Au ùh tawac ùh ep broq tiaq bàu cabô, mahaq au khoe broq rađeh wìa hapong rìm ngai, òeq hu jah tam yeo bàc ngai.

²⁰ Oe ti mangai Juđa, au tiàh ka mangai Juđa, waq ka jah mangai Juđa, ti mangai enh qneq ka ranenh, (hiloq ka au ùh oe enh qneq ka ranenh) au hadai tiàh ka mangai enh qneq ka ranenh, òeq au hujah mangai enh qneq ka ranenh;

²¹ oe ti mangai ùh i ranenh, (Yac ka enh ngèa Boc Plình au ùh xài mangai ùh i ranenh, majah qmang aih au oe enh qneq ka ranenh da Christ), mahaq au hadai oe tiàh ka mangai ùh i tiaq ranenh, òeq hu jah mangai ùh tiaq ranenh.

²² Oe ti mangai ùh nèn, au hadai ùh nèn, òeq hujah mangai ùh nèn, au khoe wìa rìm trong am ka rìm ngai, òeq hujah dèch yac ka toq biaq ngai broq qmang leq dua au lènh.

²³ Au broq rìm yiniq kô aih òiq broq ka Bàu Lem, òeq au hadai wiang jah ta axong sôq ramot ta aih.

²⁴ Oh daq ma ùh loq, tanòe wì ta cadàu cadêh, òiq ka wì cadàu, mahaq toq biaq ngai raq majah waq baha qmòh? Qmang aih, oh daq cadàu qmang leq òeq hujah waq baha oq.

²⁵ Dìq ka mangai ta cadàu cadêh aih, wì haq dênh ka rađeh bəc trong, wì broq qmang aih ðòeq jah kui cadoh riang loq om. Mahaq da bèn ðòeq hujah kui cadoh riang ùh jò leq om.

²⁶ Aih ìq, dài au ùh cadàu taliq, au jêh ùh xài au jêh cayeo;

²⁷ mahaq au tabroq dèh ka chac cla au ùh palap cleq, thê haq broq hapong au, ùh qmang aih broq braiq atiq ka au hnài wì qnoeq, yàng cla au aih cađac rađeh qmòh.

10

Ngan dua enh Isorali

¹ Majah qmang aih, au ùh enh dōq ka oh daq ùh qnì kan cadraq bèn ðìq khoe oe enh qneq ka yùc, ðìq ka wì khoe lam pagat ka diac raxìq,

² ðòeq Môise broq baptem ka wì haq enh dalam ka yùc xam enh qneq ka diac raxìq.

³ ðìq ka wì khoe acaq dahwèq yiang,

⁴ rai ôq diac yiang, majah qmang aih wì haq ôq enh nòe hmo yiang ma tiaq wì haq, hmo aih aih raq Christ.

⁵ Mahaq taqne wì haq ja ka mangai ùh lem manoh Boc Plinh, dài bəc ngai wì haq majah khoe tacro cachit tanòe braih kàn.

⁶ Bòe yiniq kô khoe loh qmang aih, ðòeq broq dua hu hnài bèn, dōq bèn ùh hìaq ònh tiaq trong dù qmang ka wì aih khoe broq.

⁷ Êh hadai pi dùh kùh waiq radua qmù kiac qmang ka wì aih hòem, tìah ka bàu khoe achìh: “Wì haqngui acaq ôq, khoe aih padinh yòng pagôq racaih”.

⁸ Bèn apaq ti taqnong tango qmang ka wì aih ma khoe broq, taiq aih raq mòeq hì majah i baiq jàt piq mùan mangai cachit.

⁹ Bèn hadai apaq qnhro Christ qmang ka wì ma khoe qnhro, taiq aih raq wì haq majah cachit ka bìh kap.

¹⁰ Èh hadai apaq mamùc tìah ka wì khoe mamùc, taiq aih raq wì haq majah ep cachit enh tì kǝng ònh plình palùng.

¹¹ Bài yiniq kô khoe loh ka wì qmang aih òòeq broq dua am ka bèn, khoe achìh hlài òòeq hu pariaq bèn aih bàì mangai ma rìh ta bàì qnhòng atìq pulùch

¹² Qmang aih, cabô loq xoh rađeh kô yòng cajap, rabiaq haq oq loq tacro.

¹³ Bàì kan padô qnùt trùh ka oh daq, ùh i ka yiniq leq ma yì dôch ka padren kon mangai. Boc Plình ùh tablòq manoh, haq ùh dòq ka oh daq glàm kan padô qnùt yeo loe ka padren oh daq, mahaq ta kan padô aih haq pèch trong ka oh daq hu jah loh, òòeq oh daq hlát dràng.

¹⁴ Qmang aih oh daq da au, drah wia ka hangai trong kùh waiq radua qmù.

¹⁵ Au anoe ka oh daq aih au anoe ka bàì mangai i manoh rabiaq, pì boq bàu au anoe kô:

¹⁶ Chrǝng xôq ramot bèn manè apôì kô ma ùh xài khoe pajùm ti mahim da Christ qmòh? Bènh bèn ma goh kô aih ma ùh joq pajùm ka chac da Christ qmòh?

¹⁷ Majah qmang aih òìq deh mòeq toq bènhaq, dài bèn yac ka bàc ngai dua mòeq chac raq majah qmang aih bèn òìq pajùm ta mòeq toq bènhaq.

18 Ngan mangai Isorali beq! Bâi mangai acaq jam tadreo aih ma ùh alùh pajùm ti prang tadreo qmòh?

19 Au anoe qmang aih au anoe cleq? Dahwèq ma dèch tadreo am ka qmù kiac aih i loh ranenh cleq, radua qmù kiac aih i loh cleq ùh?

20 Blinh ka ùh, mahaq dahwèq mangai enh gùng tadreo aih wì tadreo ka kiac chồc, ma xài wì tadreo ka Boc Plinh. Qmang aih au ùh enh oh daq wiang taqmùt ti kiac chồc.

21 Oh daq ùh jah ôq doe chrông da Chuaq khoe aih ôq doe chrông da kan kiac, oh daq ùh jah acaq pajùm aniang ti Chuaq rai pajùm aniang ti kan kiac.

22 Ahiaq bèn enh broq ka Chuaq tarènh? Bèn ma yeo dèh ka haq?

23 Pì doe “Rìm yiniq au dìq khòh broq”, mahaq ùh xài rìm yiniq dìq i lòeq; “Rìm yiniq au dìq khòh broq”, mahaq ùh xài rìm yiniq dìq broq dua lem.

24 Apa q i cabô hèm jah toq ka rađeh, mahaq mangai leq mangai meh hadai ep hèm ka mangai qnoeq dìq.

25 Rìm dahwèq atech tanoe tech jam, dìq khòh rot acaq dǝng, apaq tàng đeh yùq ta manoh òeq bòch dèh;

26 majah qmang aih, crông taneh kô xam rìm yiniq ta aih dìq da Chuaq.

27 Tàng loq i mangai ùh lùì akhen ka oh daq, oh daq enh lam, aih yac ka wì padon qnoh cleq, oh daq acaq cameh, apaq tàng đeh yùq ta manoh òeq hu bòch dèh.

28 Mahaq tàng i mangai doe ka oh daq: “Ma kô khoe tadreo”, aih apaq acaq, òeq lem ka manoh

cla oh daq xam mangai ma khoe doe ka oh daq:

²⁹ Au ùh anoe trùh manoh oh daq, mahaq anoe trùh manoh mangai tau. Wia ka trong au loq ðeh khòh broq mahaq dōq ka manoh mangai qnoeq ep hadrah ataq?

³⁰ Tàng khoe manè apôi au men acaq, aih ji lai q dàng mōeq nà acaq au ma dōq ka wì qnoeq cwò ka raðeh?

³¹ Qmang aih, oh daq yac ka acaq, yac ka ôq, yac ka broq cleq, ðiq broq ðoeq Boc Plinh jah ranhòm.

³² Apa q roh ka cabô kan catoeh, yac ka mangai Juda, mangai Gorec, yac ka Tagop Hadròeh da Boc Plinh;

³³ dra qmang ka au kô, àu broq rìm trong dōq jah lem ka manoh bəc ngai, ùh chaq trong lem toq ka cla raðeh mahaq chaq trong lem am ka mangai qnoeq, ðoeq wì haq hadai jah dèch.

11

Tanòe Tagop Hadròeh

¹ Dra tiaq dua au, qmang ka cla au tiaq dua Christ.

² Au manè oh daq loq hmàng ka au rìm trong, loq wèq bàu au ma khoe hnài oh daq.

³ Mahaq au enh oh daq loq Christ aih gàu da rìm ngai gualô, mangai gualô aih gàu da mangai cadrì, Boc Plinh aih gàu da Chirst.

⁴ Rìm ngai guca lô yac ka wì haq wai q khàn, yac ka capoch bàu pajàu tàng wì haq paclùm dèh gàu, aih wì haq baxep dèh gàu.

⁵ Mahaq mangai gucadrì yac ka haq wai q khàn, yac ka haq capoch bàu pajàu, tàng haq ùh yǒc mù

paclùm dèh gàu, aih haq baxep dèh gàu: ùh i crài cleq ka haq khoe got gàu ta nguah.

⁶ Tàng mangai gucadri ùh yǒc mù paclùm dèh gàu, aih drah got ta nguah dǒng beq. mahaq tàng gucadri hnoq got xàc gàu aih loq camaih, aih ep baclùm gàu.

⁷ Mangai gualô ùh dùh yǒc mù paclùm gàu majah qmang aih, haq aih qmù da Boc Plình, kan ranhòm da Boc Plình.

⁸ Majah qmang aih gualô ùh loh enh gucadri, mahaq gucadri ma loh enh gualô.

⁹ Èh hadai ùh xài taiq gucadri majah broq loh gualô, mahaq gucadri aih ka gualô.

¹⁰ Aih iq, taiq bòe bình plình, dài haq gucadri majah ep waq ka i teo tagàu òeđeq hu hadro cwàng rađeh ma canòm.

¹¹ Mahaq enh dalam ka Chuaq, gucadri ùh xài enh gùng ka gualô, gualô ùh xài enh gùng ka gucadri.

¹² Qmang ka gucadri khoe loh enh gualô, aih gualô hadai hauang loh enh gucadri, diq baiq loh enh Boc Plình.

¹³ Cla pì oh daq boq qmang kô beq: GuCADri waiq khàn ka Boc Plình mahaq ùh waq yǒc mù baclùm gàu aih atroq?

¹⁴ Ùh xài bèn khoe loq đeh: Tàng mangai gualô rong xàc yôh aih ajoq kan camaih?

¹⁵ Mahaq, tàng mangai gucadri rong xàc yôh aih ma ùh xài kan ranhòm da haq? Majah qmang aih khoe am ka haq xàc yôh, bu dàng mù clùm gàu diq.

16 Tàng loq i cabô tarahen trong kô, nhèn ùh hmaq qmang aih, Tagop Hadròeh da Boc Plình hadai ùh hmaq qmang aih.

Broq ramènh acaq Pua Hadròeh

17 Au anoe ka oh daq bàu kô, ùh xài òòeq manè oh daq, majah qmang aih jò oh daq tagop ti dabau, ùh i lòm broq ka pì yeo lem tam mahaq kiang broq ka pì yeo hamoq tam.

18 Angoe aih, au i tàng jò oh daq Tagop, i kan loq ti lah đac dabau, au di broq ka lùì bàu aih.

19 Majah qmang aih, taqne oh daq hi loq ka i kan loq ti lah đac dabau, aih òòeq hu canau ka mangai leq ma joq qnàng diq ka manoh.

20 Aih iq, jò oh daq tagop oe mòeq nòe ti dabau, aih pi oe xài acaq Pua Hadròeh da Chuaq hòim.

21 Majah qmang aih, jò haqngui acaq mangai dahuiq acaq dèh hra, qnah ngai pangot đeh, qnah ngai panàc loh ka bù bia.

22 Oh daq ma ùh i dèh hnim hu acaq? Ahiaq pì dù đac Tagop Hadròeh Boc Plình, enh broq ka mangai ma ùh i đeh ep camaih ka rađeh? Au anoe ka pì qmang leq kô? Au i khòh manè pì loq ùh? Trong kô joq au ùh lòm manè oh daq!

23 Majah qmang aih au khoe jah enh Chuaq trong au ma hnài oh daq: Chuaq Jesus mang wì ma blòq đac haq, yòc bèn, h,

24 jò haq khoe manè apôi, haq goh bèn aih rai doe: “Kô chac au, chac ma khoe am ka pì, broq qmang kô òòeq hu hmàng trùh au”

25 Hadai qmang aih, khoe ka acaq di xèq, Haq dèch doe chròng rai doe: “Chròng kô aih tajao

maneo oe ta ma him au, jò pì ôq broq qmang kô ðòeq hu hmàng trùh au.

²⁶ Aih ìq jò leq oh daq acaq bênh kô, ôq doe chrông kô, pì anoe kan cachit da Chuaq trùh hloe hì haq wìh hlài.

²⁷ Qmang aih mangai leq ùh tajì ka acaq bênh ùh tajì ka ôq chrông da Chuaq, aih èh haq ep pòq yiniq lui ka chac ka ma him Chuaq.

²⁸ Aih ìq rìm ngai majah ep ngan hlài raðeh adroe ka acaq bênh kô, ôq chrông kô;

²⁹ majah qmang aih, mangai leq pì qnì canau ka chac Chuaq mahaq dua acaq bênh rai ôq chrông aih, aih haq acaq ôq kan hadrah ka raðeh.

³⁰ Aih raq, dài taqne oh daq majah i bàc ngai ùh hróc yiniq, xam bàc ngai cachit.

³¹ Mahaq tàng bèn loq tiboq hlài raðeh, aih bèn khoe ùh ep pòq kan hadrah.

³² Mahaq jò Chuaq hadrah bèn, aih haq bàt bèn, ðòeq bèn ùh hìaq pòq yiniq lui pajùm ka mangai ta crông taneh kô.

³³ Qmang aih, oh daq da au jò pì tagop dabau hu acaq pajùm, ep gòm dabau.

³⁴ Tàng i cabô pangot, aih haq chôn timer acaq dèh ta hn timer, dòq oh daq ùh hìaq tagop dabau ðòeq hu pòq wê kan hadrah. Yiniq qnoeq èh, jò au trùh au hì taqmroq hlài.

12

¹ Manòeq kô, au ùh enh ka oh daq ùh qnì qmòe cleq ajang kan tabàih yiang.

² Oh daq loq jò bèn oe raq mangai enh gùng, yac ka trong leq ðiq khoe tui tiaq radua qmù làu, mac maiq ka wì enh qnong taleq tameh.

³ Aih raq dài au majah anoe ka oh daq, ùh i cabô i Yiang Hadròeh Boc Plình ma ti doe: “Chua Jesus troq ka ra-òh, hamaiq”. Tàng joq ùh i ka Yiang Hadròeh hadai ùh i cabô doe ka Jesus aih Chuaq.

⁴ I bàc kan tabàih crài ka dabau, mahaq dua mòeq Yiang Hadròeh raq.

⁵ I bàc yiniq patìh crài ka dabau, mahaq hadai mòeq Chuaq raq.

⁶ I bàc trong abroq crài ka dabau, mahaq dua mòeq Boc Plình, aih raq Mangai broq rìm yiniq oe enh dalam ka rìm ngai.

⁷ Yiang Hadròeh patô am enh dalam rìm ngai, òeq mangai leq mangai meh hadai jah lòeq pajùm.

⁸ Mangai kô canòm ka Yiang Hadròeh haq jah màiq bàu rabiaq, mangai meh hadai canòm ka Yiang Hadròeh aih jah màiq bàu capoch i kan loq.

⁹ Enh Yiang Hadròeh, mangai kô jah manoh lùì, hadai enh Yiang Hadròeh aih mangai tau jah màiq broq brêh ka mangai yiniq.

¹⁰ Qnah ngai jah màiq broq kan halac, qnah ngai jah capoch bàu pajàu, qnah ngai loq hadro bài kiac, qnah ngai jah tapoch bài bàu craq crài ka dabau, qnah ngai jah màiq loq anoe hlài bàu aih.

¹¹ Bài yiniq aih òiq loh enh mòeq Yiang Hadròeh, tiaq dèh manoh haq enh lah axong am ka tang ngai.

Chac da Christ

¹² Tìah ka chac aih mòeq raq, mahaq i bàc hamenh, tìah ka hamenh ta chac yac ka bàc

mahaq dua wìa pajùm mòeq chac raq. Christ i crài cleq qmang aih.

¹³ Majah qmang aih bèn yac ka mangai Juda, yac ka mangai Gorec, yac ka mangai broq hapõng, yac ka mangai broq dïc cabô, òiq khoe ãaptem pajùm ta mòeq Yiang Hadròeh ðòeq wìa mòeq chac raq, èh hò m bèn òiq hadai khoe ôq pajùm mòeq Yiang Hadròeh.

¹⁴ Chac hadai ùh xài i palap mòeq hamenh, mahaq bàc hamenh.

¹⁵ Tàng jènh doe: “Au ùh xài tì dài au majah ùh i pajùm cleq ka chac”, ma xài taiq nen aih haq ma ùh hatop ka chac.

¹⁶ Tàng don doe: “Au ùh xài mat, dài au ùh wiang pajùm cleq ta chac”, ma xài taiq nen aih haq majah pì pajùm ta chac.

¹⁷ Tàng chac aih òiq mat ðõng, aih èh bèn tàng xi cleq? Tàng òiq ta chac aih toq don, aih èh bèn xua xi cleq?

¹⁸ Mahaq manòeq kô Boc Plình khoe taqmroq ãài hamenh ta chac bèn, am mòeq yiniq oe ðèh mòeq nòe, qmang ka cla haq hnoq ðèh lem tiaq manoh haq khoe ðì.

¹⁹ Tàng mòeq hamenh raq aih èh chac oe ajang leq?

²⁰ Qmang aih yac ka bàc hamenh mahaq dua mòeq chac raq.

²¹ Mat ùh khòh doe ka capiang tì: “Au ùh i ep cleq ka gè”. Gàu ùh khòh doe ka jènh “Au ùh i ep cleq ka pì”.

²² Majoq qnàng aih, yiniq cleq ta chac bèn hnoq haq ma yeo ùh nèn ðèh, ma aih raq ma yeo khòh

nhet.

²³ Ta chac bèn hamenh leq bèn hèm haq ma yi ùh cra, ma aih raq bèn ma yeo khòh ngan, maleq ma ùh lem, ma aih raq bèn ma palàng.

²⁴ Maleq ma khoe lem, ma aih ma oe ep palauq cadèh. Mahaq Boc Plinh ma khoe taqmroq ta chac mangai bèn, hamenh leq ma yi hamoq aih òeq haq jah caqmùh caqmàm,

²⁵ òeq ta chac ùh hìaq i kan talah đac ka dabau, mahaq maleq ma meh loq wiang hèm ka dabau.

²⁶ I maleq ta chac bèn ma jìq, aih ma qnoeq hadai wiang jìq, maleq majah caqmùh caqmàm aih èh maqnoeq hadai wiang lem bùi.

²⁷ Manòeq kô, oh daq aih raq chac da Christ, oh daq aih la hamenh ta chac, mangai leq mangai meh i dèh hra nòe.

²⁸ Boc Plinh khoe broq ta Tagop Hadròeh, adroe aih mangai Tiaq cla, atìq aih mangai pajàu, khoe aih mangai hnài, tìa aih mangai broq kan halac, èh hòm mangai i màiq broq brêh ka mangai yinìq, mangai loq hanò, mangai òeq ti ranenh, mangai capoch bài bàu craq crài.

²⁹ Rìm ngai aih òiq mangai tiaq cla đống qmòh? Rìm ngai aih òiq pajàu đống qmòh? Rìm ngai aih òiq mangai hnài đống qmòh? Rìm ngai òiq broq kan halac đống qmòh?

³⁰ Rìm ngai òiq i màiq broq brêh kamangai yinìq qmòh? Rìm ngai òiq capoch bàu halac qmòh? Rìm ngai òiq loq anoe hlài bàu halac aih doe cleq qmòh?

³¹ Drah tangèh òeq jah kan tabàih ma yi kàn đống. Manòeq kô èh, au padon patô ka oh daq trong ma yeo lem hòm.

13

Kan loq waq

¹ Yac ka au loq tapoch òìq òòng ka bàu kon mangai xam bàu bình plình, mahaq ùh i kan loq waq, aih au bu òàng chình ja atêh, qmang ka hatùq gôc lòe bàu.

² Yac ka au i màiq loq capoch pajàu, yac ka loq òìq òòng ka kan hlèp, loq òìq kan rabiaq, yac ka au i manoh lùì jah qnhac hloe bui wang, mahaq ùh ka kan loq waq, aih dua au ùh loh cleq.

³ Yac ka au axong òòng òèh kùng hang òòeq hu ban mangai pa, yac ka chac cla au òòq hloe wì bùh, mahaq tàng ùh i kan loq waq, bài yiniq aih dua ùh i broq ka au jah lòeq cleq.

⁴ Kan loq waq loq òràng àt, kan loq waq loq hanò, kan loq waq ùh tajênh, ùh catêh raðeh,

⁵ ùh broq trong ùh troq, ùh chaq jah lòeq toq ka raðeh ùh rênh nòeh, ùh hêm qmêq ka cabô,

⁶ ùh bùì ka trong ùh taq atòq, mahaq bùì ta trong joq qnàng.

⁷ Kan loq waq loq grom gri rìm trong, lùì rìm trong, loq tangêh rìm trong, loq àt rìm trong.

⁸ Kan loq waq ùh jò leq hnhung lùch. Bàu pajàu èh òìq, biac am màiq tapoch bàu halac èh lùch, kan rabiaq loq èh hadai pì i.

⁹ Majah qmang aih kan loq da bèn qnhòq gêh geo, capoch pajàu dua qnhòq gêh geo.

¹⁰ Mahaq jò kan gêh geo hi trùh, jò aih èh bài yiniq leq ma qnhòq gêh geo hi caðac.

¹¹ Jò au oe raq kon qyoh, au tapoch tìah ka wì qyoh, manoh hêm tìah ka wì qyoh, boq ngan tìah

ka wì qyoh, jò au khoe wìa mangai kàn, au hi cađac bài trong da wì qyoh.

¹² Manòeq kô tìah ka bèn ngan ta gùang, hnoq bu badrèh badrah, trùh hì bèn hi jah hnoq baiq hadrò tangèa ti dabau, hì kô au loq qnhòq jàp. Trùh jò aih èh, au hi jah loq qmang ka Chuaq khoe loq ka au.

¹³ Dài haq manòeq oe i piq yiniq kô: Manoh lùì, kan tangèh, kan loq waq, mahaq oe ta piq yiniq aih, kan loq waq aih ma yeo kàn đống.

14

Capoch pajàu sam bàu halac

¹ Drah ti tiaq chaq kan loq waq. Hadai drah tangèh ka bài kan tabàih enh Yiang, ta aih màiq capoch pajàu aih joq yeo nhét.

² Majah qmang aih cabô capoch bàu halac, aih ùh xài haq capoch ka kon mangai mahaq haq capoch ka Boc Plình, ma joq qnàng aih ùh i cabô qnì tàng (majah qmang aih enh dalam ka Yiang mangai aih capoch bàu hlèp);

³ da mangai capoch pajàu aih haq capoch ka kon mangai đòeq broq wì jah ka cajap, hu pariaq rai ti alòng.

⁴ Mangai capoch bàu halac, aih haq broq ka cla rađeh jah cajap, yàng da mangai capoch pajàu aih haq paqnhrang Tagop Hadrèh.

⁵ Au nèh ka oh daq òiq capoch bàu halac, mahaq au ma yeo nèh aih oh daq capoch pajàu. Mangai capoch pajàu aih yeo kàn ka mangai capoch bàu halac mahaq ùh i ka cabô anoe hlài

dôq Tagop Hadròeh jah loq tàng òòeq hu jah qnhrang.

⁶ Manòeq kô, òìq ka oh òaq, tàng joq au trùh ti oh òaq, au capoch òài bàu halac, mahaq bàu aih ùh i paqnoh am ka oh òaq loq kan hlèp, ùh i kan rabiaq, ùh i bàu pajàu, ùh i hnài oh òaq loq qmòe cleq, aih ajah cleq ka oh òaq?

⁷ Yac ka ranac croh pì i kan rih mahaq loh atêh qmang ka taliaq, qmang ka broc, tàng ùh i bàu ma crài ka dabau òòeq hu hadro aih broq qmang leq ma canau ka taliaq hlui cleq, broc rawêh cleq?

⁸ Tàng ken hlui ma nhài aih èh cabô ma hu padon lam tajêh?

⁹ Oh òaq hanoh qmang aih, tàng joq ùh yôc rapet tapoch ma hloh ôòeq wì tàng, broq qmang leq wì maloq oh òaq anoe cleq? Aih oh òaq capoch ka cayeo.

¹⁰ Oe crông taneh i bàc bàu capoch, ùh i bàu leq ma ùh i ka ranenh.

¹¹ Qmang aih, tàng au ùh qnì tàng qmòe ranenh bàu mangai ma qnang anoe, ajoq mangai aih ngan au budàng mangai diac wì, au hanoh hnoq haq qmang ka mangai diac wì òìq.

¹² Qmang aih oh òaq drah ngèh drah ti chaq òài kan tabàih da Yiang Hadròeh. Chaq ma yeo bàc òòeq hu paqnhrang Tagop Hadròeh.

¹³ Dài aih, mangai capoch bàu halac, drah waiq khàn òòeq hu jah anoe hlài ôòeq wì loq bàu aih.

¹⁴ Majah qmang aih, tàng au waiq khàn xi bàu halac, aih yiang da au waiq khàn mahaq gàu ngoc au ùh qnì cleq.

¹⁵ Aih èh au broq qmang leq? Au waiq khàn tiaq yiang, mahaq au hanoh waiq khàn tiaq gàu ngoc.

Au calêu tiaq yiang, mahaq hadai calêu tiaq gàu ngoc.

¹⁶ Ûh qmang aih, tàng ìh toq manè apôi tiaq yiang, èh mangai ma ùh qnì haq haqngui tamàng, ùh qnì ìh capoch cleq, broq qmang leq haq maloq tiaq bàu manè aih òòeq hu òòe “Amen”?

¹⁷ Hì loq ka bàu manè apôi da ìh aih joq lem, mahaq mangai qnoeq ùh jah canòm ka bàu aih òòeq hujah qnhrang òòeh diq.

¹⁸ Au manè apôi Boc Plình, au khoe jah capoch bàu halac yeo bàc òòng ka pì oh òòeq,

¹⁹ mahaq oe ta hnì Tagop Hadròeh, au enh yòc padam nà bàu ma loq tàng òòeq hu jah hnài mangai qnoeq aih yeo hnau ka yòc mòeq mùan bàu halac.

²⁰ Pì oh òòeq pì dùh hèm tiàh ka manoh kon qyoh hòh. mahaq trong dù aih ma khòh tiàh ka kon qyoh. Trong rabiaq loq òòeh tiàh ka mangai khoe gèh mangai.

²¹ Ta hset ranenh i achìh: Chuaq òòe
“Au canòm ka mangai capoch bàu halac xam hacùng bàu mangai òòeh wì,
òòeq hu tapoch ka òòeh mangai kô;
Mahaq qmang aih òòeh wì ùh tamàng au”.

²² Qmang aih, òòeh bàu capoch aih teo, ùh xài ka mangai lùì mahaq òòeq ka mangai ma ùh lùì Chuaq. Yàng òòeh bàu pajàu aih teo, ùh xài ka mangai ùh lùì, mahaq òòeq ka mangai lùì Chuaq.

²³ Qmang aih jò Tagop Hadròeh tagop ti dabau, tàng rìm mangai tapoch òòeh hra bàu halac, yàng i mangai ùh qnì òòeh cleq, èh i mangai ùh lùì Chuaq

mùt diq, aih wì ma ùh hìaq doe ka pì ranhùà qmòh?

²⁴ Mahaq tàng i mangai ùh lùì Chuaq i mangai ùh qnì cleq mùt, wì tàng rìm ngai pì qnang tapoch bàu pajàu, bàu aih tabroq ta manoh, bàu aih hadrah ka wì haq,

²⁵ bòe kan hlèp ta manoh wì haq khoe jah paqnoh loh, aih èh wì ma ùh bla-op dèh hadrò ta taneh òòeq kùh waiq Boc Plình, rai doe: Joq qnàng i Boc Plình oe taqne oh daq!

Jò kùh waiq

²⁶ Atìq ka aih bèn anoe qmang leq hòm oh daq? Jò oh daq tagop ti dabau, enh dalam pì, tàng mangai leq i bài calêu hadròeh, i bàu hnài, i kan mahnu, tàng i mangai tapoch bàu halac, tàng loq i mangai anoe hlài bàu aih. Rìm yiniq aih ep broq ma gèh dõng òòeq rìm ngai dìq jah paqnhrang.

²⁷ Tàng loq i mangai tapoch bàu halac, aih baiq piq ngai tapoch raq hêq, mahaq ep tagòm dabau, ep waq ka i mangai anoe hlài.

²⁸ Tàng ùh i ka mangai anoe hlài, mangai aih ep oe hatinh ta hnim Tagop, cla tapoch deh ka cla xam ka Boc Plình.

²⁹ Mangai capoch bàu pajàu hadai palap baiq piq ngai raq hêq, mangai qnoeq hèm rai boq ka bàu aih.

³⁰ Mahaq tàng i mangai leq qnang hangui ta aih hnoq kan mahnu, aih èh mangai ma adroe ep hatinh.

³¹ Majah qmang aih dìq ka oh daq khoe ka maleq trùh maleq dìq jah capoch bàu pajàu, òòeq rìm ngai jah hóc jah alòng.

³² Yiang da pajàu iu tiaq mangai pajàu.

³³ Majah qmang aih Boc Plình aih ùh xài Boc Plình da kan manhài, mahaq Boc Plình da kan catèm.

Drah broq tiaq dìq ka bài Tagop Hadròeh da mangai hadròeh,

³⁴ gucadrì ep oe ma hatinh ta hnim tagop, wì haq ùh jah capoch ta aih, mahaq ep iu tiaq qmang ka bầu hset ranenh hnài.

³⁵ Tàng wì haq loq i yiniq enh bòch waq ka loq, wì haq ep bòch dèh ổng jò wì oe ta hnim, majah qmang aih gucadrì capoch ta hnim tagop aih raq kan camaih.

³⁶ Ahiaq bầu Boc Plình loh enh oh daq, tàng ùh meh haq trùh toq ta oh daq raq ùh xài?

³⁷ Tàng loq i cabô hèm đeh kô pajàu, đeh kô jah kan loq enh Yiang Hadròeh sreó am, mangai aih khòh loq rameh: Rìm yiniq au achìh ka pì kô dìq bầu Boc Plình thê.

³⁸ Tàng mangai leq ùh enh tamàng aih mac da wì haq!

³⁹ Qmang aih, oh daq drah ngèh chaq màiq capoch bầu pajàu, èh hadai apaq tạt trong capoch bầu halac.

⁴⁰ Mahaq rìm yiniq ep broq troq dèh bè rai waq ka i atìq adroe.

15

Jesus Christ khoe rìh hlài

¹ Manòeq kô, au enh bahmàng hlài ka oh daq Bàu lem au ma khoe hnài, oh daq ma khoe jah yốc, ma khoe jah yòng cajap ta bầu aih,

² canòm ka bàu aih raq oh daq ma khoe jah dèch, waq toq oh daq wèq wop qmang ka bàu au khoe hnài, tàng ùh qmang aih qngwan ka oh daq khoe lùì.

³ Adroe dìq dǒng, au khoe hnài oh daq bàu cla au ma khoe jah, aih ìq Christ khoe cachit ka yiniq lui da bèn tiaq bàu Hset Hadròeh.

⁴ Wì khoe catùh haq, trùh hì piq, haq rìh hlài tiaq bàu Hset Hadròeh;

⁵ Haq khoe mahnu raðeh dōq Sêpha hnoq, atìq ka aih haq am ka wì Mòeq jàt baiq ngai hnoq haq.

⁶ Khoe aih, ta mòeq yàng haq mahnu raðeh am ka loe padam hrinh ngai hnoq, ta aih bàc ngai manòeq kô oe rìh, i biaq ngai khoe kùì.

⁷ Atìq ka aih haq mahnu raðeh am ka Jaco, khoe aih ka mangai tiaq cla haq.

⁸ Atìq dǒng ka wì aih, haq hadai mahnu raðeh am ka au, bu diang am ka kon hin.

⁹ Majah qmang aih, taqne wì mangai tiaq cla, au kô joq yeo hamoq dǒng, ùh ta jì òeq hu jah creο mangai tiaq cla, majah qmang aih au khoe ti tàt rùp baxa Tagop Hadròeh da Boc Plình.

¹⁰ Yàng manòeq kô au jah qmang kô, aih dìq canòm ka kan tabàih enh Boc Plình, kan tabàih haq am ka au aih joq ùh hìaq qngwan. Au patìh yeo bàc dǒng ka mangai qnoeq, ma joq qnàng ùh xài au mahaq kan tabàih da Boc Plình khoe oe ti au.

¹¹ Qmang aih, yac ka nhèn, yac ka wì qnoeq, aih raq bàì yiniq nhèn hnài, aih raq trong oh daq khoe lùì.

Kan rìh hlài enh dalam ka Christ

¹² Tàng anoe hnài Christ khoe rìh hlài enh kan cachit, meh hagleq taqne oh daq majah i qnah ngai doe mangai cachit ùh rìh hlài?

¹³ Tàng mangai cachit ùh rìh hlài, aih Christ hadai khoe ùh rìh hlài.

¹⁴ Tàng joq Christ khoe ùh rìh hlài, aih ajoq bàu nhèn hnài aih hi qngwan qngwaiq, èh manoh lùì da oh daq hadai qngwan diq.

¹⁵ Èh hòm, tàng joq qnàng mangai cachit ùh rìh hlài, aih Boc Plình khoe ùh broq ka Christ rìh hlài, qmang aih nhèn khoe wiang capoch lìq ka Boc Plình jò nhèn doe haq khoe broq ka Christ rìh hlài, lèh gèh haq nhèn capoch amòng ka Boc Plình.

¹⁶ Majah qmang aih, tàng joq mangai cachit ùh rìh hlài, aih Christ hadai khoe ùh rìh hlài.

¹⁷ Èh hòm tàng joq Christ khoe ùh rìh hlài, kan lùì da oh daq loh ka qngwan, oh daq oe raq deh ta kan yiniq lùì cla.

¹⁸ Qmang aih, mangai ma kùì ta Christ hadai hnhung lùch hloe mòeq òe.

¹⁹ Tàng joq bèn tangèh ka Christ qmòe toq ka qnhòng kô, aih ta crǒng tanèh kô joq diq toq bèn raq mangai ma yeo jàng ka ha-och deh.

²⁰ Mahaq manòeq kô, Christ khoe rìh hlài enh mangai cachit, haq aih plì ramua da bài mangai ma kùì.

²¹ Majah qmang aih, taiq mòeq ngai majah i kan cachit, èh hadai taiq mòeq ngai majah hi i kan rìh hlài da mangai cachit.

²² Tìah ka enh dalam ka Adam rìm ngai diq ep cachit, hadai qmang aih, enh dalam ka Christ rìm ngai èh diq jah rìh hlài,

²³ mahaq rìm ngai ep tiaq dèh atìq adroe: Christ aih plì ramua, hì haq ma hì trùh, bài mangai da haq hì rìh hlài.

²⁴ Khoe aih èh kan lùch men trùh, jò haq ma hì dèch diac am hlài da Baq aih Boc Plình, atìq ka haq khoe raliang dǝng bài diac padrǝng kan, bài mangai i cwìang xam rìm padren,

²⁵ majah qmang aih haq ep wèq cwìang trùh jò khoe roh dǝng bài mangai ma tablêq ka haq enh caqnàm jènh haq.

²⁶ Mangai haq ma palùng đac atìq dǝng aih kan cachit.

²⁷ Majah qmang aih: “Boc Plình khoe òeq rìm yiniq enh caqnàm jènh haq”. Jò doe “rìm yiniq òeq oe enh caqnàm haq”, aih khoe anoe ka hloh ta aih ùh xài i hloe xam cla Boc Plình aih Mangai ma khoe òeq rìm yiniq òeq enh qneq ka Christ.

²⁸ Jò rìm yiniq òeq khoe iu haq, jò aih èh cla Kon hadai iu tiaq Mangai ma khoe òeq rìm yiniq òeq oe enh qneq ka rađeh, dǝq Boc Plình broq rìm yiniq oe enh dalam rìm yiniq.

²⁹ Manòeq kô tàng joq ùh i kan rìh hlài, mangai broq baptem thai ka mangai cachit wì ngèh cleq? Joq mangai cachit ùh rìh hlài hagleq wì ma broq baptem thai ka wì aih?

³⁰ Èh nhèn hadai qmang aih, hagleq nhèn jò leq dua toq tamùra rađeh ta kan yat?

³¹ Wùih oh daq! au taqnòq ka kan cachit hì rìm hì, joq qnàng tiàh ka au ma xan catèh dèh pì oh daq enh dalam ka Jesus Christ aih Chuaq da bèn.

³² Tàng au tiaq dua kon mangai qnhǝng kô òeq tajêh ka bài kiac dù ta gùng Êpheso, aih au khoe

jah cleq? Tàng joq mangai cachit ùh rìh hlài:

“Bèn chaq acaq beq, chaq ôq beq,

majah qmang aih hì da èh bèn hì cachit!”

³³ Apa q dôq wì qnùt rađeh: “Bàì bua qmèq broq raliang manoh da mangai lem”.

³⁴ Drah hamang òeq hu canau tiaq trong taq atôq, pì ùh broq yiniq lui hòm, majah qmang aih i mangai pì lòm qniq qmòe ka Boc Plình, au anoe qmang aih dôq ôh daq loq hèm ka camaih.

Chac da mangai rìh hlài

³⁵ Mahaq i mangai ma doe: Mangai cachit aih rìh hlài qmang leq? Yóc chac leq òeq rìh hlài?

³⁶ Wùih mangai ma blùng tau, adrech pì ma rai, tàng joq haq ùh cachit adroe hòeq, aih haq majah hon?

³⁷ Adrech pì ma rai aih ma xài chac ma hu wìa ònh, aih bu òàng pliang adrech, qmang ka pliang qmau, qmang ka pliang adrech qnoeq.

³⁸ Boc Plình am ka haq chac hamac lem tiaq troq manoh cla Boc Plình ma khoe òi dèh adroe, rìm pliang adrech òi i dèh hra chac hamac.

³⁹ Ùh xài xech akia leq òi ta hatiah òng ka dabau, xech akia da mangai i dèh crài, xech akia da jam gùng i dèh crài, da chìm i dèh crài, ka hanoh i dèh crài.

⁴⁰ Èh i chac da diac plình, i chac da cròng taneh, mahaq kan ranhòm chac hamac da diac plình, da cròng tanheh crài ka dabau.

⁴¹ Kan qngah da mahì crài, qngah da mat kê crài, da halống crài, qngah da halống kô xam halống qnoeq hadai crài ka dabau.

⁴² Kan rìh hlài da mangai cachit hadai qmang aih. Chac hamac ma rai qnoh kô loq hech hnhung, mahaq hi rìh hlài aih pi hech hnhung;

⁴³ jò ma rai qnoh aih rai ta kan xep, mahaq jò ma rìh hlài aih ta kan ranhòm; jò ma rai qnoh aih hamoq, mahaq jò rìh hlài aih dêh;

⁴⁴ jò ma rai aih xech akia mahaq, jò rìh hlài aih chac yang. Tàng khoe i chac hamac xam xech akia, èh hanoh i chac hamac xam yang;

⁴⁵ tiah ka bàu ma khoe achih:

“Mangai ma adroe aih Adam khoe wìa mangai rìh i mahua rìh,

Adam ma atiq aih Mangai am kan rìh”.

⁴⁶ Mahaq ùh xài chac hamac yang i adroe, mahaq chac xech akia adroe khoe aih chac hamac yang trùh atiq.

⁴⁷ Mangai adroe loh enh taneh aih da taneh, mangai ma atiq aih loh enh plình.

⁴⁸ Mangai da taneh qmang leq aih èh bài mangai da taneh diq hadai qmang aih diq, mangai da plình qmang leq, aih èh bài mangai da plình hadai qmang aih diq.

⁴⁹ Qmang ka bèn khoe wê qmù dua kon mangai da taneh, aih èh bèn hadai jah wê qmù dua da kon mangai da plình.

⁵⁰ Mandeq kô au doe ka pì oh daq: Xech akia xam mahim ùh jah mùt ta diac Boc Plình, kan loq hech hnhung ùh jah waq ka kan ùh qnì hech hnhung.

⁵¹ Kô au paqnoh ka pì loq kan ma diq jaq hlèp: Diq ka bèn kô èh ùh i kùì dǒng, mahaq diq dǒng ka bèn jah wìh wìa ma qnoeq.

⁵² Ta mòeq rahyàc raq, mòeq caqmlàih mat, jò bàu ken ma atiq lùch. Majah qmang aih bàu ken jah hlui, mangai cachit hi rih hlai, jah kan pi hiaq hech hnhung hòh, aih èh diq ka bèn jah wih wia chac maneo.

⁵³ Majah qmang aih chac ma loq hech hnhung kô ep caxùnh yôc kan ùh hech hnhung, chac ma loq cachit kô ep caxùnh kan ùh qnì cachit.

⁵⁴ Jò leq chac maloq hech hnhung jah caxùnh yôc kan ùh hech hnhung, chac loq cachit kô caxùnh yôc kan ùh cachit, aih èh jah xit qmang ka bàu Hset Hadròeh ma doe rameh: “Kan blêq khoe lonh kan cachit”.

⁵⁵ “Kan cachit! aleq da gè kan blêq? Aleq nóc da gè?”

⁵⁶ Nóc da kan cachit aih yiniq lui, kan dêh da yiniq lui aih ranenh.

⁵⁷ Mahaq manè apôi Boc Plinh khoe am ka bèn kan blêq enh dalam ka Chuaq Jesus Christ, Chuaq da bèn.

⁵⁸ Qmang aih oh daq da au, yòng ma cajap haq, apaq dalàc, drah patih ka Chuaq ma bàc haq, majah qmang aih bèn loq kan xalep da pì oh daq enh dalam ka Chuaq aih ùh qngwan.

16

Tagop bac jèn

¹ Manòeq kô, anoe trùh trong tagop bac jèn òeq wiang am ka mangai hadròeh ma qnang nan, aih oh daq broq qmang ka au ma khoe anoe ka bài Tagop Hadròeh oe ta Galati.

² Oe ta hi gàu tuàng, rìm ngai oh daq tiaq dađeh bu hlàt tagop jah pang leq, òeq qmòe dèh ta

hnim raq, dôq ùh hìaq ep gòm jò nhèn trùh men ti tagop ònh.

³ Jò au trùh, au hi thê bài mangai oh daq ma khoe ràih wê jàiq au ma achih xam bac oh daq ma tagop aràng ta Jerusalem.

⁴ Tàng troq ka au lam, wì aih hi lam ti au.

⁵ Atiq ka au lam khoe ka Maxê-đoan, au hi trùh hmàih ka oh daq, majah qmang aih au ep thia ta Maxê-đoan.

⁶ Canau au loq oe ti oh daq ùh dùnh, tàng ùh meh clech ka ralim, òòeq oh daq jah ajèn aràng au lam tanoè au enh lam.

⁷ Yàng kô ùh xài au toq enh glàm oh daq hi hêq, mahaq tàng Chuaq lòh, au ngèh jah oe ti oh daq.

⁸ Mahaq yàng kô au oe ta Êpheso trùh ramènh Hì padam jât,

⁹ majah qmang aih, ta aih i mòeq toq qmang kàn khoe pèch òòeq ka au hu abroq, mahaq hadai i bàc ngai enh tablêq ka au.

Bàu tanap

¹⁰ Tàng Timothê trùh hmàih ka oh daq, pì hmàng ngan apaq òòeq haq i cleq ma ep crè jò haq oe ti pì: Majah qmang aih haq hanoh patìh ka Chuaq tìah ka au òiq.

¹¹ Apaq i cabô jù đac haq, ahlài haq ma catèm, òòeq haq jah trùh ta au, majah qmang aih au qnang gòm haq hloe xam oh daq qnoeq.

¹² Yàng manòeq kô, Abolô aih oh daq da bèn, au bàc yàng àu thê haq lam tiaq wì oh daq kô òòeq lam trùh ta oh daq, mahaq haq qnhòq lap lam. Mahaq haq lam jò leq haq hi dòh.

¹³ Oh daq hmàng hamang, yòng cajap manoh lùì, ma hagau, ma tadêh haq oq.

¹⁴ Rìm yiniq oh daq broq, diq broq ta kan loq waq.

¹⁵ Manoeq kô, oe i moeq bàu tanap hòm: Oh daq loq hnim Sêphana aih plì ma ramua ta gùng Achai, pì diq loq mangai ta hnim aih diq ka manoh patìh ka mangai da Chuaq.

¹⁶ Khòh loq ta iu bài mangai qmang aih, khòh ta iu diq dõng bài mangai hanoh patìh xalep ti bèn.

¹⁷ Sêphana, Photu-na xam Achaico trùh ta kô, au bùi haraya, wì aih khoe aràng am ka au bài dahwèq oh daq ùh i aràng.

¹⁸ Wì aih khoe broq ka manoh au xam manoh oh daq jah blình hlài. Khòh padèch bài mangai qmang aih.

¹⁹ Bài Tagop Hadròeh oe ta gùng Asi bòch hmàih trùh pì, enh dalam ka Chuaq, Aquila xam Bêritsin tanap bàu hmàih trùh pì, Tagop Hadròeh oe ta hnim wa aih hanoh.

²⁰ Dìq dõng oh daq ta kô bòch hmàih ka pì. Drah yõc kan hìp hadròeh òeq hmàih da bau.

²¹ Au kô Phaulo, tì kõng cla au achìh jàiq kô bòch hmàih oh daq.

²² Tàng mangai leq ùh ta iu ka Chuaq, mangai aih ep pòq kan “Anathem”! Maranatha!

²³ Waiq kan tabàih da Chuaq oe ti pì oh daq!

²⁴ Kan loq waq da au oe ti rìm ngai oh daq enh dalam yiniq Chuaq Jesus Christ.

Hset Hadròeh
The New Testament in the Hre language of Vietnam,
translated by Baq Thi

Copyright © 2024 Baq Thi

Language: (Hre)

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-23

PDF generated using Haiola and XeLaTeX on 26 Jul 2025 from source files dated 23 Jul 2025

03fbbc53-13cb-5444-945a-741163b0252d